

Uputstvo

za primjenu Ugovora o socijalnom osiguranju između Bosne i Hercegovine i Republike Hrvatske

Ugovor o socijalnom osiguranju između Bosne i Hercegovine i Republike Hrvatske stupio je na snagu i primjenjuje se od 01.11.2001.godine.

Njegovim odredbama su regulisana prava i obaveze osiguranika Bosne i Hercegovine i R Hrvatske po osnovu socijalnog osiguranja kad se nalaze na području druge države ugovornice.

Radl bližeg objašnjenja pojedinih odredaba Ugovora i njegovog provođenja zaključen je i Administrativni sporazum o provedbi Ugovora i utvrđeni su dvojezični obrasci potrebni za vođenje postupka i ostvarivanje prava.

I. Zdravstvena zaštita hrvatskih osiguranika u BiH

Na osnovu Ugovora o socijalnom osiguranju između Bosne i Hercegovine i Republike Hrvatske prava iz zdravstvenog osiguranja obezbjeđuju se u Bosni i Hercegovini odnosno Federaciji BiH.

1. hrvatskim osiguranicima (državljanima BiH i RH) i članovima njihovih porodica za vrijeme privremenog boravka u F BiH;
2. članovima porodice hrvatskih osiguranika (državljana BiH zaposlenih u R Hrvatskoj) koji stalno borave /prebivaju/ u F BiH;
3. korisnicima penzija R Hrvatske i članovima njihovih porodica koji stalno borave /prebivaju/ u F BiH;

ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE
S A R A J E V O

Za ove kategorije hrvatskih osiguranika kojima su na osnovu bolesničkog lista pružene i obračunate zdravstvene usluge u F BiH, izvršiti obračun stvarnih troškova na obrascima BH/HR-10.

U obrasce BH/HR-10 unijeti sve troškove koji su nastali pružanjem zdravstvene zaštite hrvatskim osiguranicima kao i lijekove. Da ovakve fakture ne bi lutale i da ne bi teretile naše zavode zdravstvenog osiguranja, obzirom da tako nastale troškove snosi hrvatski zavod zdravstvenog osiguranja, potrebno je sve recepte i fakture označiti naznakom po Ugovoru sa R Hrvatskom.

Obračun stvarnih troškova se vrši tromjesečno, obrasci popunjavaju u tri primjerka od kojih se dva primjerka dostavljaju Federalnom zavodu zdravstvenog osiguranja.

2. i 3. Zdravstvena zaštita članova porodica hrvatskih osiguranika koji stalno borave u F BiH i korisnika hrvatskih penzija i članova njihovih porodica koji stalno borave u F BiH

Članovima porodice hrvatskih osiguranika koji stalno borave u F BiH korisnicima hrvatskih penzija i članovima njihovih porodica koji stalno borave u F BiH obezbjeđuje se zdravstvena zaštita u obimu, vrsti i na način predviđenom Zakonom o zdravstvenom osiguranju F BiH i podzakonskim aktima a na teret HZZO.

Krug članova porodica koji imaju pravo i trajanje prava određuje se hrvatskim propisima.

Radi korištenja prava na zdravstvenu zaštitu ovim kategorijama osiguranika područni ured HZZO izdaje potvrdu o pravu na davanje na obrascu HR/BH-5 u dva primjerka.

Poslovnica kantonalnog zavoda zdravstvenog osiguranja kada dobije obrazac HR/BH-5 popunjava odjeljak B obrasca i odmah vraća jedan primjerak hrvatskom zavodu zdravstvenog osiguranja.

**II. Zdravstvena zaštita osiguranika iz
F BiH u Republici Hrvatskoj**

1. Osiguranici iz Federacije BiH koji odlaze na privremeni boravak u R Hrvatsku dužni su radi korištenja hitne zdravstvene zaštite u R Hrvatskoj da za sebe i članove svoje porodice pribave obrazac BH/HR-3. Obrazac BH/HR-3 izdaje nadležna poslovnicu zavoda zdravstvenog osiguranja u skladu sa postupkom predviđenim Pravilnikom o načinu korištenja zdravstvene zaštite u inostranstvu.

Dakle, obrazac može dobiti samo ono osigurano lice za koje je utvrđeno da ne boluje od akutnih oboljenja ili da ne boluje od hroničnih oboljenja koje zahtjeva duže liječenje i stalan nadzor ljekara.

Na osnovu ovog obrasca HZZO izdaje osiguranom licu koje posjeduje ovaj obrazac bolesnički list za slučaj korištenja zdravstvene zaštite u R Hrvatskoj.

Potvrda se izdaje jednom godišnje u trajanju od 30 dana i to samo za hitnu medicinsku pomoć.

Potvrda se popunjava u dva primjerka od kojih jedan ostaje u poslovnici uz zahtjev i drugu medicinsku dokumentaciju a jedan primjerak se daje osiguraniku.

2. i 3. Za članove porodice bosanskog osiguranika koji stalno borave u R Hrvatskoj kao i za korisnike bosanske penzije i njihove članove porodice koji stalno borave u R Hrvatskoj obezbjeđuje se zdravstvena zaštita po hrvatskim propisima a na teret zavoda zdravstvenog osiguranja u BiH. *

Radl korištenja zdravstvene zaštite ovim kategorijama osiguranika poslovnicu zavoda zdravstvenog osiguranja izdaje obrazac BH/HR-5 potvrda o pravu na davanje za vrijeme prebivališta u R Hrvatskoj u dva primjerka.

Poslovnica zavoda zdravstvenog osiguranja korisnicima BiH penzija ovu potvrdu izdaje nakon podnesene prijave M-1 od strane PIO /MIO BiH.

Sve što je rečeno u odjeljku i tačka 2. i 3. ovog uputstva analogno važi i za ove kategorije osiguranika.